

1 San Juan

Jesucristo catiyere ohoriqiro ijire

1 ¹Jesu Cohãcjũ mari Pacu ye yahuducuyere yahuriqiro ijire. Duita coã waroputa ijiriquiro tiquiro mari Pacu mehna masare sa ijiducugũ yeriquiro ijiahye. Yojoþure usã tiquiro yere, tiquiro ijiye tiyere yahu ojoana niaja. Tiquirore tuhona, tiquiro waroreta ihñau usã. Sata ijire. Tiquirore ihñana, usã omocari mehna tiquirore dahra tuhuu. ²Ahriqiro mari Pacu mehna sa ijiducugũ yeriquiro ahri yehpapu tiquiro masa bajuari bato tiquirore usã ihñau. Sa yena tiquirore yahuaja usã musare. Ijipihtiye decori mari Pacu mehna tiquiro ijiducuriqiro ijigũ, yojoþure mari Pacu tiquirore ihñori usãre. Tire yahuaja usã musare. ³Mari Pacu mehna cjãna ijiaja usã. Tiquiro macũno mehna cjãna gãhu ijiaja usã. Sa yena musa gãhu usã mehna cjãna, mari Pacu mehna cjãna, tiquiro macũno mehna cjãna musa ijiatire usã ihñarire, usã tuhore musa gãhure usã yahuaja. ⁴Ahrireta usã ojoaja quehnoano mari bucuatire.

Buhrioro to wete marieno saha Cohãcjũre ñañe ne mariedare

⁵Ahri buheye Cohãcjũ macũno usãre tiquiro yahuri ijiye nine. Yojoþuta ahrire yahunatja usã musare: Cohãcjũ buhrioro yero saha ijire. Buhrioro to wete marieno saha tiquirore ne ñañe mariedare. Ñañe nahitiano yero saha ijire. Cohãcjũre ne ñañe mariedare. Tiquiro sa ijiye tiyere yahuaja musare. ⁶Sa yena nahitianopu ijina yero saha mari ñañene yena ijiepenata “Cohãcjũ mehna cjãna ijiaja”, nina, mari ni mehona niaja. Sa yena Cohãcjũ yere queoro yeraja. ⁷Sa yena buhrioropu ijina yero saha Cohãcjũ tiquiro yeriro sahata mari quehnoañe pehere yena, apequna Jesu yequina mehna quehnoano ijina niaja. Mari sa yegũ Cohãcjũ macũno Jesu tiquiro dii cohãno mehna, curusapu tiquiro yariari mehna ijipihtiye mari ñañe yerire bore.

⁸“Yũhu pũrita ne ñañene yeraja”, ni wacũna, mari ni mehoñene tuhutuna niaja. Mari sa ni tuhutuna Cristo yere ne masiedaja. ⁹Sa yena Cohãcjũre mari ñañene mari yahu yũhdugũ tiquiro poto yeriquiro mari ñañene borota. Sa yero ijipihtiye mari ñañe yeri gãhure, mari ñano tuhutuye gãhure cose werota tiquiro. Tiquiro nidiro sahata yeriquiro ijire. ¹⁰“Ñañene yeraja”, nina, “Cohãcjũ ni mehoriqiro ijire”, nina niaja mari. Sa niñequina tiquiro buheyere cahmedare.

Cristo marine yedohore

2 ¹Yũhu pohna, musare “Ñañene yeari”, nigũ ahrire ojoagu niaja. Yũhu sa ni ojoaepẽgũta ñañene yeboaga musa. Musa sa yegũ ihñano Jesucristo quehnoariquiuro musa ye ijiatire tiquiuro Pacũrore ohõ saha ni sini basarota: “Ahriquina tiquina ñañene yeri buhirire buhiri dahreracãhña”, ni sini basarota tiquiuro Pacũrore. ²Cristo mari ñañene cohãriquiuro ijire. Mari ñañene mari dihitare cohãedare. Ijipihitiro cãena gãhũre tiquina ñañene cohã masine tiquiuro. ³Cohãcjũ dutiyere yena, tiquiore potota quehnoano masiaja mari. ⁴Ihcãquiuro Cohãcjũ dutiyere yeraperota “Yũhu Cohãcjũre masiaja”, nino, tiquiuro ni mehoriquiuro ijire. Sa yero Cristo yere ne masiedare. ⁵Apequiuro pehe Cohãcjũ dutiyere yeriquiuro Cohãcjũre tutuaro cahĩniquiuro ijire. “¿Cohãcjũ mehna cãena ijiajari mari?” ni masi duana, ohõ saha mari masinata: ⁶Cohãcjũ mehna cãeno Jesucristo quehnoañene tiquiuro yeriro sahata yeriquiuro ijire. Sata yeducuhna mari.

Wahma dutiurore yahuahye

⁷Yũhu cahĩna, ahri dutiro yojopũre musare yũhu yahuati wahma dutiro ijierare. Ahri dutiro musa coã waropũre cuoriro muna dutirota ijire. Ti dutiurore musa tuho tuhasari. ⁸Yojopũ pehere musare yũhu yahuati muna dutiro ijieperota wahma dutiro gãhũ ijire. Cristo gãhũ, musa gãhũ ti dutiurore yere. Yojopũ nahitiano pihti cã mari ihña masino saha mari masiedarire masi dũca cãna niaja mari. Sa yero buhrioro mehna mari ihña masino saha Cristo musare poto ijiyere masigũ yero ahta tuhasari.

⁹“Yũhu buhrioropũ ijiriquiuro yero saha Cohãcjũ dutiyere yegu ijiaja”, ihcãquiuro nieperota, apequinare ihña tuhtiro, tiquiuro Cohãcjũ dutiyere yerare. ¹⁰Sa yero apequiore cahĩniquiuro pũrita buhrioropũ ijiriquiuro yero saha Cohãcjũ dutiyere yeriquiuro ijire tiquiuro. Sa yero ñañene pari turi ye duerare. ¹¹Masare ihña tuhtiriquiuro pehe nahitianopũ ijiriquiuro yero saha ijiro nine. Tiquiuro caperi bajueriquiuro yero saha ijire. Tiquiuro wahatore ihña masiedare tiquiuro.

¹²Yũhu pohna, Cristo tiquiuro yariari mehna musa ñañe yerire cohãri jiri. Sa yegu musare yahu ojoagu niaja. ¹³Musa pacusũmua gãhũ, musa Cristore coã waropũ ijiriquiurore masine musa. Musa sa masigũ ihñagu musa gãhũre yahu ojoagu niaja. Musa wahma pjia ñariquiuro watĩnore yũhdũdũcari musa. Musa sa yũhdũdũcana ijigũ musa gãhũre yahu ojoagu niaja.

Yũhu pohna, mari Pacũre musa masine. Musa sa masigũ ihñagu musare yojopũre yahu ojoagu niaja. ¹⁴Musa pacusũmua, musa Cristore coã waropũ ijiriquiurore masine musa. Musa sa masigũ ihñagu musare yahu ojoagu niaja. Musa wahma pjia potota musa Cohãcjũre wacũ tutuana ijire. Sa yena musa Cohãcjũ yere yena niaga. Sa yena, musa ñariquiuro watĩnore yũhdũdũcari. Sa yegu musare yahu ojoagu niaja. ¹⁵Ahri yehpa cãe ñañene cahmedacãhña. Ahri yehpa cãe ñañene cahmena mari Pacũ pehere cahmedare musa.

¹⁶Ñañequina tiquina basi ñañene tiquina tutuaro cahmedi, ñañene tiquina ihña duari mari Pacu Cohãcjũ ye ijierare. “Ijipihtiye cwo pehogu, masi pehogu ijiaja yuhu. Ne ihcãquiro masuno yuhure yuhduducaerare”, masa tiquina ni tuhotuye mari Pacu ye ijierare. Ti ijipihtiye ahri yehpa cjẽ ijire. ¹⁷Ahri yehpa, ahri yehpa cjẽ gãhu masa tiquina cahmeñe pihtia waharota. Sa yero Cohãcjũ cahmeñene yeriquiro ijipihtiye decori Cohãcjũ mehna ijirota.

Cristore ihña tuhtiriquiro pehere yahuahye Ñu

¹⁸Yuhu pohna, ahri yehpa pihtiatu deco mehenogã duhsare. “Cristore ihña tuhtiriquiro ahtarota”, ni, Jesu yequina musare yahu tuhasari. Yojoþure Cristore ihña tuhtiequina peyequina iji tuhasare. Tiquina sa ijigũ ihñana yojoþure pihtiatu deco mehenogã duhsagũ masiaja mari.

¹⁹Ahriquina Cristore ihña tuhtiequina pehe mari caha ijiepetu potota mari mehna cjẽna ijierare. Sa ye tiquina marine cohã cãri. Tiquina mari mehna cjẽna ijiye, mari mehna ijiboaga. Marine cohã cãri. Tiquina sa cohãgũ mari mehna cjẽna tiquina ijieragũ masiaja mari.

²⁰Cristo Espiritu Santore musa pehere ohori. Sa yero Espiritu Santo musa mehna ijire. Sa yena musa ijipihtina Cristo yere masi tuhasare. ²¹Musare yahugu “Cristo yere masiedare musa”, ni tuhotueraja yuhu. Musa Cristo yere masigũ ihñagu musare yahuaja. Cristo ye ne ni mehoñe mariedare. Ti gãhure masina musa ijigũ masiaja yuhu. ²²Ahriquiro ijire ni mehoriquiro: “Jesu Cohãcjũ macno ijierare”, nidiquiro pehe ni mehoriquiro ijire. Potota Cristore ihña tuhtiriquiro ijire tiquiro. Mari Pacure, tiquiro macno gãhure cahmedariquiro ijire Cristore ihña tuhtiriquiro. ²³Ohõ saha ijire: Jesure cahmediquiro pehe mari Pacu gãhure cahmediquirota ijire. Jesure cahmediquiro pehe mari Pacu gãhure cahmediquiro ijire.

²⁴Coã waropu Cohãcjũ yere musa tuhorire quehnoano wacũña. Tire musa wacũna, Jesu mehna cjãna ijinata. Sa yena mari Pacu mehna cjãna ijinata. ²⁵Tireta Jesu marine yahuri. Ohõ saha ijire tiquiro yahuri: “Musa ijipihtiye decori Cohãcjũ mehna ijiducunata”, ni cãri Jesu marine.

²⁶Apequina musare ni mehoñe nine. Tiquina sa ni mehogũ masigu musare yahu ojoagu niaja. ²⁷Tiquina sa ni mehonohrina musa ijiepegũta musa pehere Cristo tiquiro yaquiro Espiritu Santore oho tuhasari. Espiritu Santo musa mehna ijire. Musa mehna ijiro musare buheriquiro ijire. Tiquiro ijipihtiyere musare yahure. Tiquiro yahuye ijirota ijire. Ni mehoñene yahuerare tiquiro. Espiritu Santo nidiro sahata yeya musa yojoþure. Sa yena musa Cristo yere tuhona, tiquiro mehna quehnoano ijiya.

²⁸Sata ijire. Yuhu pohna, musa Cristo mehna cjãna ijiya. Sa yena Cristo ahtatu decore cuesi musa. Sa yena tiquiro ahtatu decore bue tiye mehna duhtisi musa. ²⁹Cristo quehnoañene yeriquiro tiquiro ijigũ musa masine. Tire masina ahri gãhure masiña musa. Ijipihtiyequina quehnoañene yeyequina Cohãcjũ pohmeta ijire. Ti gãhure masiña musa.

Musata Cohācjū pohna ijire

3 ¹“Musa yuhū pohna ijire”, nino, tutuaro cahī yuhduducaro nine marine mari Pacu. Tiquiro sa cahñona ijina tiquiro pohna ijiaja mari. Ahri yehpa cjēna ñañequina Cohācjūre masiedare. Sa yeye Cohācjū pohna mari ijigū ihñañe tiquina mari gūhure masiedare. ²Yuhū cahīna, yojopure Cohācjū pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa tagū mari ihñana, tiquiro ijiriro sahata tiquirore mari ihñanata. Sa yena Cristo marine bajuagū ihñana tiquiro yero saha mari comesanata. ³Ijipihtiyequina ahrire masiñequina Cristore ihña cūñe, ñañene ye duerare.

⁴Ñañene yena dutiyere yuhduducana niaja. Sa ye ijipihtiyequina ñañene yeyequina Cohācjū dutiyere yuhduducayequina ijire. ⁵Cristo masare tiquina ñañene cohātiqiro bajuahye. Tiquiro ne ñañene yerare. Tire masine musa. ⁶Sa ye ijipihtiyequina Cristo yequina ñañene yeducuerare. Apequiro pehe ñañene sa yeducuriqiro Cristore ne masiedare. Sa yero Cristo yaquiro ijierare. ⁷Yuhū pohna, musare ni mehoñequinare tuhoeracāhña. Ijipihtiyequina quehnoañene yeyequina Cristo yero saha quehnoañequina ijire. ⁸Apequiro pehe ñañene sa yeducuriqiro wafino yaquiro ijire. Wafino pūrita duita ñañene yeriquiro ijiahye. Sa yero wafino tiquiro ñañene ye dutiyere cohātiqiro Cohācjū macuno masa bajuahye.

⁹Cohācjū pohna ijina Cohācjū yero saha ijina ijiaja. Sa yena ñañene yeducueraja. Cohācjū mari Pacu tiquiro ijigū mari pehe ñañene yeducu masiedaja. ¹⁰Ohō saha ijiyequina Cohācjū pohne tiquina ijigū masinata: Cohācjū pohne wafino pohne yero saha ijierare. Ñañene yeducuyequina, apequinare cahñequina Cohācjū pohne ijierare.

Musa mehna cjēnare cahīña

¹¹“Mari mehna cjēnare cahīhña”, ni buheyere coā waropure tuho tuhasari musa. ¹²Mari Caī tiquiro ñano yeriro sahata yeracāhña. Tiquiro wafino yaquiro ijiro, tiquiro bahurore wejēahye. ¿Duhse yero tiquirore wejēyari, musa tuhutugū? Tire yahutja musare: Caī tiquiro yeri ñañe ijiahye. Tiquiro bahuro pehe quehnoañene yeriquiro ijigū ihñano tiquiro wahmino pehe tiquirore wejēahye.

¹³Sa yena yuhū acaye, ahri yehpa cjēna musare tiquina ihña tuhtigū “¿Duhse ijiro boro yuhūre ihña tuhtijari tiquina?” ni, tuhutueracāhña. ¹⁴Mari pecapu wahaborina ijimi. Yojopure uhmusepu sa ijiducuatina comesarina ijiaja mari. Jesu yequinare cahīna, Cohācjū marine tiquiro comesagū yerire masiaja mari. Masare cahñeniquiro pecapu wahatiqiro ijire. ¹⁵Tiquiro acayurore ihña tuhtiriqiro masare wejēdiquiro ijire, Cohācjū ihñagū. Masare wejēnequina uhmusepu ijiducusi. Tire quehnoano masine musa. ¹⁶Masare cahīñene ohō saha masinata. Ijipihtiye decori Cohācjū mehna mari ijiatire Cristo yariaro marine tutuaro cahīdi. Sa yariaro marine tiquiro sa cahīducurre masigū yero nidi. Sa yena mari gūhure Jesu yequina ye ijiatire yariaro cahmeboaga. ¹⁷Peye suoriquiro

Jesu yaquirore pejecuoriquire ihñaeperota tiquire paja ihñedaro, Cohãcjũre cahñedare tiquire. ¹⁸Yũhũ pohna, masare mari cahñe pehe mari dusero dihita wijaeracãhdo. Masare mari cahña, tiquire yedohoro cahmene marine.

Cuero marieno Cohãcjũ cahapũ iji masiaja mari

¹⁹⁻²⁰Sa cahña mari potota Cohãcjũ yequina mari ijiye gãhũre masinata. Sa yena Cohãcjũ cahapũ cuero marieno mari iji masiaja. Sa yena “Ñañe buhiri ijiaga yũhũre”, mari ni tũhotuepegũta, Cohãcjũ cahapũ cuero marieno iji masiaja. Tiquire pehe mari yũhdũoro tutuariquire ijiro ijipihitiyere masine. ²¹Yũhũ cahña, quehnoañene yena, “Quehnoañe pehere yena niaja”, ni tũhotuna, Cohãcjũ cahapũ mari cuero marieno iji masiaja. ²²Cohãcjũ dutiyere, tiquire cahmeñe gãhũre mari yegũ, tiquire mari sinino punota tiquire ohorota. ²³Ohõ saha dutire tiquire marine: “Cohãcjũ macunore Jesucristore wacũ tutuaya. Sa yena Cristo marine tiquire dutiriro sahata mũsa mehna cjẽnare cahña mũsa”, nino, ye dutire marine. ²⁴Cohãcjũ dutiyere yeriquiro Cohãcjũ mehna cjũno ijiro nine. Sa yero Cohãcjũ tiquire mehna cjũno ijire. Cohãcjũ mari mehna cjũno tiquire ijiyere mari masi duagũ marine tiquire ohoriquiro Espĩritu marine masigũ yerota.

Ni mehoñe buheye gãhũre, Cohãcjũ ye buheye gãhũre quehnoano ihña masi dutiahye

4 ¹Yũhũ cahña, apequina “Cohãcjũ yaquiro Espĩriture cuoja”, niñequina tiquina ijepegũta tiquina ye buheye ni mehoñe ijire. Sa ye apequina pehe Espĩritu Santo warore cuoyequina ni mehono marieno buhere tiquina. Peyequina “Cohãcjũ yere yahu mũhtarina ijiaga”, niepeta ni mehoñequina ijire yojopũre. Ijipihitiropũre ijire tiquina. Sa yena apequina mũsare tiquina buheye ni mehoñe buheye ijigũ ihña masiña mũsa. Cohãcjũ ye ti ijigũ gãhũre ihña masiña mũsa. ²Cohãcjũ yaquiro Espĩriture cuoyequinare mũsa ihña masi duana, ohõ saha masinata: “Jesucristo ahri yehpapũ masũno pagũ waro cuoriquire ahtari jiri”, ni, buheyequina Cohãcjũ yaquiro Espĩriture cuoyequina ijire tiquina. Sa yena sa ni buheyequinare ihña masinata mũsa. ³Apequina pehe “Jesu ahri yehpapũ masũno pagũ waro cuoriquire ahtaerari jiri”, ni buheyequina Cohãcjũ yaquiro Espĩriture cuoyequina ijire. Tiquina ye tũhotuye Cristore ihña tuhtiriquiro tiquire tũhoturo saha ijire. “Cristore ihña tuhtiriquiro ahtarota”, tiquina nidire tũho tuhasari mũsa. Sa ye tiquire ye buheye ahri yehpapũre wihi tuhasari.

⁴Mũsa pehe yũhũ pohna, Cohãcjũ yequina ijire mũsa. Sa yena “Cohãcjũ yere yahu mũhtarina ijiaga usã”, ni, mehoñequinare yũhdũdũca tuhasari mũsa. Mũsa mehna ijiriquiro Espĩritu Santo pehe tutua yũhdũdũcare. Sa yero ahri yehpa cjẽna yaquiro watĩno yũhdũoro tutuare. Sa yena ni mehoñequinare yũhdũdũcari mũsa. Sa yena ti buheyere cahmedari mũsa. ⁵Ni mehoñequina pehe ahri yehpa cjẽna ijire. Sa ye tiquina ahri yehpa cjẽ ñañene tiquina buhegũ ahri yehpa cjẽna ñañequina pehe tiquire quehnoano tũhore. ⁶Mari pehe Cohãcjũ yequina ijiaga. Sa ye Cohãcjũre masiñequina

marine quehnoano tuhore. Apequina pehe Cohãcjũ yequina ijieraye, marine ne tuho duerare. Tiquina sa tuho dueragũ ihñana tiquina ye buheye Cohãcjũ ye buheye ti ijieragũ masinata mari. Sa yena apequina pehe marine tiquina tuhogũ tiquina ye buheye quehnoañe buheye ti ijigũ gũhũre masiaja mari.

Cohãcjũ masare tutuaro cahĩducuriquiuro ijire

⁷Yũhũ cahĩna, Cohãcjũ marine apequinare cahĩgũ yeriquiro ijire. Tiquiro sa yeriquiro ijigũ ihñana mari mehna cjẽnare cahĩihna mari. Masare quehnoano cahĩnequina pehe Cohãcjũ pohne ijire. Sa ye tiquina Cohãcjũre quehnoano masine. ⁸Cohãcjũ masa ijipihtiequinare tutuaro cahĩducuriquiuro ijire. Tiquiro sa cahĩducuriquiuro ijigũ masare cahĩnequina pehe Cohãcjũre masiedare. ⁹Cohãcjũ marine tiquiro cahĩnene mari masi duana, ohõ saha masinata: Cohãcjũ pehe tiquiro macũnore ihcãquiota ijiriquirore marine yũhdũoatiquiurore ahri yehpapũre ohoahye. Sa ohoro marine tiquiro cahĩnene marine masigũ yero niahye. ¹⁰Apequinare cahĩne waro ohõ saha ijire: Cohãcjũre mari cahĩne pehe poto cahĩne waro ijierare. Marine Cohãcjũ tiquiro cahĩne pũrita potota cahĩne waro ijire. Sa yero tiquiro macũnore mari ñañene cohãtiquiurore ohoro marine tutuaro cahĩne tiquiro.

¹¹Yũhũ acaye, Cohãcjũ marine tiquiro sa tutuaro cahĩgũ ihñana mari gũhũ mari mehna cjẽnare cahĩihna. ¹²Masa pehe ne Cohãcjũre ihñedari. Tiquirore mari ihñedapegũta mari mehna cjẽnare mari cahĩgũ, Cohãcjũ pehe mari mehna sa ijiducuro nine. Sa yero potota marine cahĩ nedomoducugũ yere tiquiro. ¹³Cohãcjũ pehe marine tiquiro yaquiuro Espĩriture ohori. Sa yena Espĩriture снопа, Cohãcjũ mehna mari quehnoano ijiyere masiaja mari. ¹⁴Sa yena mari Раса tiquiro macũnore ahri yehpa cjẽnare yũhdũoatiquiurore tiquiro ohorire usã ihñau. Tire ihñana apequinapũre tire yahuaja usã. ¹⁵Cohãcjũ mehna cjũno ohõ saha nidiquiro ijire: “Jesu Cohãcjũ macũno ijire”, nidiquiro tiquiro pũrita Cohãcjũ mehna cjũno ijire nine. Sa yero Cohãcjũ gũhũ tiquiro mehna cjũno ijire nine.

¹⁶Sa yena marine Cohãcjũ tiquiro cahĩnene mari masiaja. Sa yena marine potota cahĩniquiro tiquiro ijigũ masiaja mari. Cohãcjũ masa ijipihtiequinare tutuaro cahĩducuriquiuro ijire. Sa yero apequiuro masare cahĩducuriquiuro Cohãcjũ mehna cjũno ijire. Sa yero Cohãcjũ gũhũ tiquiro mehna cjũno ijire. ¹⁷Sa yena mari quehnoano cahĩ nedomoducuaja Cohãcjũre, apequina gũhũre, buhiri dahreri deco ijigũ mari cuero marieno mari ijiatire. Sa yena cuesi mari ahri yehpapũ Cristo yero saha ijina. ¹⁸Apequinare mari cahĩgũ cuero mariedare. Cohãcjũ marine tiquiro cahĩnene masina mari ne cueraja. Masa cueye tiquinare buhiri dahreatire cue nine. Sa cueye ñano yũhdũre. Sa yero cueriquiro pehe Cohãcjũ cahĩnene masieniquiro ijire. ¹⁹Marine Cohãcjũ cahĩ muhtahye. Sa yena mari gũhũ tiquirore cahĩaja. ²⁰Ihcãquiuro “Cohãcjũre cahĩaja”, nidiquiro ijieperota apequiurore ihña tuhtiro, ni mehoriquiro ijire tiquiro. Tiquiro ihñariquiurore cahĩedaro, Cohãcjũre tiquiro ihñeniquiro gũhũre cahĩ masiedare tiquiro. ²¹Sa yero ahri ijire marine Cristo tiquiro dutiriro: Cohãcjũre cahĩna, masa cahapũ ijieyquina gũhũre cahĩña.

Cohācjū pohne ahri yehpa cjē ñañene ye duerare

5 ¹ Ijipihtiyequina Jesure “Cristo ijire. Cohācjū ohoriquiro ijire”, niñequina, Cohācjū pohne ijire. Apequina pacurore cahīna, tiquiropohne gūhure cahīaja mari. Sata Cohācjūre cahīna, tiquiropohne gūhure cahīaja mari. ² Cohācjūre cahīna, tiquiropohne dutiyere quehnoano yena, tiquiropohne gūhure mari cahīna niaja. ³⁻⁴ Tiquiropohne dutiyere yena Cohācjūre cahīna niaja. Marine Cohācjū dutiyere yegū mijoedare. Mari ijipihitina Cohācjū pohne ijina, ñañene cahmedaja mari. Sa ye marine tiquiropohne dutiyere yegū mijoedare. Cohācjūre wacū tutuana ñañene cahmedaja. Sa yena tiquiropohne mari wacū tutuari bato ñano ye dueraja. ⁵ Ñañene cahmedana ohō saha nina ijiaja mari: “Jesu Cohācjū macūno ijire”, nina ñañene cahmedaja mari.

Cohācjū macūnore yahuahye Ñu

⁶ Jesucristo ahri yehpapū tiquiropohne ahtagū tiquiropohne Ñu aco mehna wame yerire masina, curusapū tiquiropohne dii cohāri gūhure masina, Cohācjū macūno tiquiropohne ijiyere masiaja mari. Tiquiropohne wame yeri dihita Cohācjū macūno tiquiropohne ijiyere marine masigū yerare. Tiquiropohne dii cohāri gūhure marine tire masigū yere. Espiritu Santo “Ahri ijirota ijire”, ni yahure marine. Tiquiropohne poto ni yahuriquiro ijire. [7 Sa ye Jesu Cohācjū macūno tiquiropohne ijiyere uhmuse cjēna yahuyequina ihtiaro ijire: Mari Pacū, tiquiropohne macūno Jesu, Espiritu Santo mehna “Jesu potota Cohācjū macūno ijire”, niñequina ijire tiquina. Tiquina ihtiaro ijiepetata ihcāno mehna yahure tiquina Jesure.] ⁸ Jesu Cohācjū macūno tiquiropohne ijiyere ahri yehpapūre ihtiaro yahure: Cohācjū macūno tiquiropohne ijiyere Espiritu Santo pehe marine yahure. Sa yena Jesure aco mehna tiquiropohne wame yeri gūhure masina, Cohācjū macūno tiquiropohne ijiyere masiaja mari. Sa yena mari ye ijiatire tiquiropohne yariarire tiquiropohne dii cohārire masina, Cohācjū macūno tiquiropohne ijiyere masiaja mari. Sa ye ti ihtiaro ihcāno mehna marine masigū yere Cohācjū macūno Jesu ijiyere.

⁹ Masa tiquina yahuyere tūhona “Ijirota ijire”, niaja mari. Sa niepenata mari Pacū tiquiropohne macūnore yahugū masa tiquina yahuyere yūhduoro tiquiropohne pehere tūhoro cahmene marine. Cohācjū waro tiquiropohne ijigū tiquiropohne yahuyere tūhoro cahmene marine. ¹⁰ Sa ye ijipihtiyequina Cohācjū macūnore wacū tutuayequina Jesure yahuri buheyere quehnoano tūhore. “Queorota ijire”, ni tūhoture tiquina Jesure yahuri buheyere. Cohācjū macūnore tiquiropohne yahurire tūhoeriquiro “Cohācjū ni mehoriquiro ijire”, nidiquiro ijire tiquiropohne. ¹¹ Cohācjū marine ijipihtiye decori tiquiropohne mehna sa ijiducugū yerota. Cohācjū macūno yequina mari ijigū tiquiropohne mehna sa ijiducugū yerota marine. Ahri ijire Cohācjū marine tiquiropohne yahuyere. ¹² Cohācjū macūno yequina ijiepepetata tiquiropohne mehna sa ijiducuetata. Sa ye apequina pehe tiquiropohne cahmeeñequina tiquiropohne mehna sa ijiducuetata.

Ñu yahu ojoa bato tiahye

¹³Musa Cohãcjũ macũnore wacũ tutuana Cohãcjũ mehna sa ijiducunata. Tire musa masiatire musare yahu ojoagu niaja.

¹⁴Cohãcjũ tiquiore cahmediro sahata mari tiquiore duhse ijyere mari sinigũ tiquiore marine quehnoano tuhorota. Sa mari sinina “Potota quehnoano tuhore tiquiore”, ni masiaja mari. ¹⁵Tiquiore mari sinigũ, marine tuhore. Tiquiro sa tuhore masina, tiquiore mari sinino punota tiquiore ohoati gũhure masiaja mari.

¹⁶Musa acayuro tiquiore ñañene yegũ ihãana, ti ñañe Cohãcjũ pecapũ tiquiore waha dutiye ñañe ijieragũ, tiquiore sini basaya Cohãcjũre. Sa yero Cohãcjũ tiquiore yedohoro tiquiore mehna sa ijiducugũ yerota tiquiore. Cohãcjũ pecapũ tiquiore waha dutieyequina dihitare sini basaya musa. Apeye ñañe pehe Cohãcjũ pecapũ tiquiore waha dutiye ñañe waro ijire. Ihcãquiore ti ñañe warore tiquiore yegũ “Tiquiore sini basaya musa”, niedaja yũhũ. ¹⁷Ijipihtiye ñañe yeye ñañe warota ijire, Cohãcjũ ihãagũ. Ti sa ijiepegũta apeye ñañe Cohãcjũ pecapũ tiquiore waha dutiye ñañe ijierare.

¹⁸Cohãcjũ macũno Jesu pehe Cohãcjũ pohnene quehnoano ihãa ihbore. Tiquiro sa ihãa ihbogũ watĩno pehe Cohãcjũ pohnene ñano ye masiedare. Sa ye Cohãcjũ pohne pehe ne ñañene sa yeducuerare. Ahrire mari masiaja.

¹⁹Mari pehe Cohãcjũ yequina ijiaja. Watĩno pehe ahri yehpa cjẽna puhtoro ijire. Ahri gũhure mari masiaja.

²⁰Cohãcjũ macũno ahri yehpapũre ahtaro marine quehnoano masigũ yeri tiquiore. Tiquiro sa yegũ potota Cohãcjũ waroreta mari quehnoano masiaja. Ahri gũhure mari masiaja. Cohãcjũ macũno Jesucristo yequina ijiaja mari. Sa yena potota Cohãcjũ waro mehna cjãna ijina niaja mari. Ahriquiore yũhũ nidiquiro potota Cohãcjũ waro ijire. Sa yero tiquiore uhmũsepu sa ijiducugũ yeriquiro ijire.

²¹Yũhũ pohna, “Cohãcjũ ijire”, tiquina niñe queoyere ño peeracãhã.